




對相鋒鍼

辯駁新編

潘占先

行印店書央中海上

民國十九年十二月出版

——版權所有——

辯駁新編

▲全書四冊▼

定價二元

編者 襟亞閣主

校者 時希聖

印者 中央書店

發行 中央書店

上海麥家圈慶雲里

民衆
必讀**辯駁新編** 目次**卷四 文字辯駁**

取締學校之辯駁

意圖敲詐之辯駁

連保連坐之辯駁

學生運動之辯駁

分派公債之辯駁

租屋習慣之辯駁

寄託責任之辯駁

添加資本之辯駁

扶養義務之辯駁
詐欺結婚之辯駁
夫婦別財之辯駁
代理權限之辯駁
女子繼產之辯駁
買妻賣妻之辯駁
傷害致死之辯駁
醫生拒絕之辯駁
奇裝異服之辯駁
佃權問題之辯駁
和誘行爲之辯駁

同居關係之辯駁
保險責任之辯駁
父債女還之辯駁

辯駁新編

卷四 文字辯駁

取締學校之辯駁

（事實）自學校興後。取締私塾之舉。已屢見而不一見。私塾之應予取締。固無俟論。今則私塾漸告絕迹。而取締私立學校之聲又起。私立學校之辦理不善者。誠應加以制止。免誤教育。然取締而後。苟無適當之官立學校以教育子弟。勢必又發生問題。且其所取締者。是否爲不良學校。而官立學校之是否優良。是否善於私立學校。又正一大問題。最近某報上載有甲乙兩人投稿。論列此事。甲則贊成取締。而乙則持

懷疑態度。然皆有相當之見解。並非漫無根據者。用錄如后。以見取締私立學校。其利弊正各相半。而取締後更必有妥善方法。以爲安插失學兒童之計。否則恐其利未見。而其害先至。此亦國家普及教育之一大問題。未可以其輕而忽之也。

(甲)吾國教育之不發達。其原因固多途。而私立學校之爲教育阻礙。實爲一重大原因。學校之設。非易事也。須有財力精力。設備完善。教管周到。而後始可蒸蒸日上。內之則成績昭著。外之則信用日隆。已學者固愛不忍釋。卽未學者亦欣欣向學。教育未普及而自普及。乃今之私立學校。其有成績者。固非絕無。然十之八則皆以學校爲賈利之者。純爲營業化。既無校舍。又無設備。學校中應有之課程。亦殘缺而不全。借一樓一底之房屋。聚數十兒童於一堂。除國語外。若算術。若常識。若體操。若音樂。若藝

術皆付缺如。卽以國文言。亦毫無教授法。宛如二三十年前之私塾。專重注入。絕無循循善誘之言。甚則以夏楚爲示威之具。以放假爲日常之事。而於兒童之生理心理。更不一顧。如是者。直阻礙教育之發達。而非助長教育之普及也。其中更有爲教會中所辦。以施行其帝國主義者。旣無黨義一課。更不用教育部審定之教科書。專注重於英文一端。且須履行宗教上之儀式。於是天真爛漫之兒童。只知有耶穌。不知有孫中山。只知有摩西十誡。不知有三民主義。其爲害之烈。直較刀劍槍砲而上之。此而可再不取締。則五十年而後。國家無復有教育之可言矣。且也小學爲作育人才之基。今之私立小學。果負此使命也乎。以吾所問。則皆以此爲營利者也。爲校長者。或略識之無。或全無常識。懸掛一塊招牌。卽借此廣收學生。旣無級任教員。又無專科人才。魯魚豕亥。層見疊出。房租繫於是。衣食

繫於是。於是人不稱之曰學校。而稱之曰學店。辦學者又竟以學店自居。甚至有出盤出租之奇聞。其手段敏活者。更借此以肆其捐募之技倆。辦學而至如是。教育界之人格掃地。教育亦爲宣告破產矣。官立學校非不多也。然此營業化之私立學校不除。則學校之信用。終不可得而申。其阻礙教育之發達者。至深且巨。故欲禾黍之長者。不可不先去稂莠。欲草木之欣欣向榮者。不可不先除惡卉。否則薰蕕同器。必爲所破壞。今官立學校雖多。而終不能遂教育普及之約者。其過雖不盡在私立學校之充斥。而私立學校之不爲取締。則實爲一大原因。蚩蚩者氓。何有知識。但知同一學校。安知其內容之迥乎不同。見私立學校而腐敗者。不認爲私立學校之故。而只認爲學校之不善。且以爲天下老鳥一般黑。此校如是。他校亦然。於是對於學校之信用。日少一日。故取締私立學校。實爲今日當務。

之急未可以其輕而忽之也。

（乙）近兩月來。當地教育局大取締私立學校。勒令停辦者十居七八。此誠應得者也。雖然竊有所疑。私立學校。既如其不堪。而人之有子弟者。何以仍趨之若鶩。豈如撲火蠶蛾。自甘戕生耶。況官立學校既已徧地。何以私立學校仍充斥於市。而人之信之者。亦復不絕。甚至學生之數。較官立學校爲多。斯又何故。是必官立學校之教育。尙有不盡善盡美者在。與私立亦相去無多。故人亦一例視之也。不然。人誰不自愛其子弟。決無甘心下屬入幽者。不僅此也。今之私立小學。爲數不下一百。以每校一百人計。亦不下一萬。使一旦停閉。則此一萬學子。將何所歸。將聽其輟學荒廢乎。抑如之何乎。今本邑官立小學校。不下二百。每校學生。亦與私立不相上下。約每校百者。二百校亦不下二萬。本邑之學齡兒童。總計不下五

萬今入學者只此三萬已嫌其過少矣。蓋尙有五分之一未受教育也。今若一旦將此一萬餘學生所託命之私立小學驟予停辦。則失學兒童又增加五分之一。是五萬學子受教育者不過五分之一。而輟學以戲嬉者凡占五分之三。恐亦非好現象也。語曰。止謗莫如自修。又曰。臨淵羨魚。不如退而結網。苟教育當局不設法擴充官立學校。更加以充分之整頓。使其成績遠勝於私立學校。則私立學校不取締而自取締。不停辦而自停辦矣。不然者。多停辦一私立學校。多增百餘名之學子。所謂普及教育者。果如斯乎。是直摧殘而已矣。在當局之出此。其計決爲普及教育。意謂私立學校停辦後。所有學子可全受官立學校良好之教育。不知天下事有適得其反者。蓋今之官立學校。其校舍未必過大。除著名之數校外。大率皆爲兩教室。至多三教室。且已擁擠異常。不能全行容納。故必一班畢業

後始可招生。否則前者未去。而後者又來。將無插足之所。今將此一百餘之私立小學。勒令停辦。因此而失學之一萬餘生。試平均分配於官立學校。每校須增學生五十餘名。爲問教育當局對此曾有所準備乎。不能以辦學者不良之故。而歸獄於學生。使之無書可讀也。且人私立學校如此。不將疑及官立學校之別有懷抱乎。是愈裹其足而不復前矣。故取締私立學校。非不可也。然有二種張本。其一必須先將官立小學擴充。或增加校數。或增加教室。凡私立學校勒令停辦後。卽將校中學生分別考察。納入官立學校。不使有一日之輟學。其二必須先將私立學校澈底調查。如實辦理不善。無可補救者。然後勒令停辦。否則先之以警告。繼之以整理。苟可不遽行勒令停辦者。甯曲爲遷就。設法將其改良。如是則取締私立學校。有利而無弊。否則利未見而害已至。恐非主持教育者之本意。亦非

教育界之幸福也。

（批評）私立學校之充斥。由於官立學校之未能盡善。或由於官立學校之太少。故一面取締私立學校。一面應先擴充及整理官立小學校。否則誠如乙所言。利未見而害已先至也。卽以上海一市言。市立學校。不可謂不多。然私校仍充斥於市上。蓋以市立學校有限。學生不敷容納。與其聽其輟學。毋甯暫入私立學校。俾得一讀書之所。而私立學校中。亦不少盡善盡美者。且有學費較市立學校爲廉者。故有子弟者。咸樂就也。若不察其本。專以停辦私立學校爲務。則莘莘學子。失學者將益衆。所謂普及教育者。恐益去之遠也。

意圖敲詐之辯駁

（事實）有某甲者爲一無行文人。前曾以辦報爲名。到處敲詐。甚且用種種方法。以欺騙閱報者。最後竟勾結帝國主義者。淆亂黑白。顛倒是非。以欺壓國人。因是爲衆不齒。報亦停辦。蓋固人之欲殺者也。然報紙停辦後。甲無所事事。而又家徒四壁。八口難餬。因又在某地剋辦一小報。仍以敲詐爲生涯。時當地有某乙者。雖非豪富。然亦有家產十餘萬。甲垂涎焉。因先探得乙之陰事。在報上隱約登出。然後致書於乙。用極恭順之文字。極謙遜之態度。向乙借洋二千元。並願以報社中鉛字機器作抵。乙不特不與。覆函拒絕。更將拒絕信徧登各報廣告。極笑罵之。態甲大窘。因在報上撰一專論。其題爲告某某書。痛詆乙之所爲。乙見報後。亦立在各報上登一廣告。再答覆甲。雙方皆能文者。用錄其文如左。

(甲)貧。非可恥者也。貧而向人告貸。亦非可恥之事也。若報館而貧。以至於不能維持。以鉛字機器作抵。向人告貸。不特非可恥辱。足見辦報者之苦心孤詣。清高廉潔。不特不可恥。且足榮也。不然者。上之亦可向官吏乞憐。爲御用機矣。下之亦可向土劣通商。爲虎作倀。何至於貧。更何至於向人告貸。更何至於以鉛字機器作抵。惟其不屑爲此。恐有失爲民喉舌之價值。故不得已而向足下乞靈。足下一介書生。既無資格以爲官吏。又無能力爲地方土劣。與世無爭。與人無忤。本報認足下尙爲清白之人。故特馳書告貸。又或足下之或不吾信也。甘以館中鉛字機器相抵。本報剏辦迄今。已歷五載。除廣告及賣報收入外。皆無分毫非義之財。以污吾報。故只能盡監督政府指導人民之責。有善不敢不揚。有惡不敢不布。務使黑白昭然。是非立見。但收入雖多。而以開支浩大之故。每月入不敷出。鄙

人既盡國民一分子之天職。辦此報。自不得不儉衣節食。力爲維持。雖因此而毀家破產。亦所不恤。縱不敢自詡爲功。庶亦無負於國家。無負於地方人士矣。乃足下不特不慨然解囊。覆函拒絕。且大登各報廣告。果揚吾乎。抑毀吾乎。若曰揚吾也。本報同人。愧不敢當。若曰毀吾也。則貧亦何恥之有。爲富不仁者。固有之矣。貧而不仁者。尙未之聞。使足下罵我或爲一毫不拔之小人者。則誠可恥。若詈我爲因公毀家。貧而乞貸。則非毀吾正揚吾矣。故在足下。雖若爲吾恥。而故登廣告以相辱。然在有識者視之。則正以吾爲榮。而知吾之一介。不以取人。其報上所論議。尙能主持公道。而非含有何種作用。善則揚之。惡則貶之。其是其非。一本良心。絕無有何私意芥蒂於其胸中也。故足下此舉。名雖毀吾。實卽揚吾。故吾不以爲怨。反以爲德。豈如古人所謂。小人之謀。無往不福。君子耶。如是則不僅個人。

感戴無既。卽本報同人。亦揚揚然有德色也。特恐如足下者不多其人。否則日日有人爲本報揄揚者。則本報幸甚矣。借與不借本足下之自由。鄙人前此致函。亦本出之以商量。且以朋友有通財之義。爲極尋常之事。乃足下視爲驚奇。登報廣告者。使衆周知。是何度量之不開如是耶。有人謂鄙人失言。愛吾者甚至投函相責。是固友朋厚誼。感極而涕。然鄙人不任受也。蓋有此足下一舉。人益知本報之真價值。雖赤貧如洗。尙不肯取一毫非義之錢。更不肯自灰勇志。是則足下真愛吾者。真知吾者。有何失言之有。足下富豪。有錢狂登廣告。而鄙人則不能也。因略抒其意如右。用代感謝。還希恕吾之不能登廣告以謝君。

(乙) 昨閱某報專論。聆悉一切。嗚呼。鄙人何敢毀君哉。吾之所以登廣告也。謂爲揄揚固非。認爲毀謗。則又大誤。貧何足恥。貧而告貸。則又何恥。